


Edizione diplomatica

[c. 100 r.]

Image not found

https://letteraturaeuropea.let.uniroma1.it/?q=sites/default/files/styles/661/public/Chansons_fran%C3%A7aises_avec_musique_not%C3%A9e...%5B...%5D_btv1b60007945_2



me sire quenes

Ahi amors com dure departie me conuenra faire de lamillor. ki o(n)q(ue)s
fust amee ne seruie. diex me ramaine ali par sa doucour. si voirement
ke men part adolor. las ka ie dit ia ne men part ie mie. se li cors va servir
nostre signor. li cuers remaint del tot en sa baillie. **Por** li men vois
sospirant ensurie. car ie ne doj faillir mon creator. ki li faura acest besoig
daie. saicies ke il li faura agrignor. (et) saient bien li grant (et) li menor
ke la doit on faire cheuallerie. ou on conquiert paradis (et) honor (et) pris (et)

image not found

https://letteratura.europa.let.uniroma1.it/?q=sites/default/files/styles/661/public/Chansons_fran%C3%A7aises_avec_musique_not%C3%A9_%5B...%5D

los (et) lamor de samie. **Diex** est assis en son saint iretaige ore iparra se
cil le secorront. cuj il iete de la prison ombraie. quant il fu mors ens la crois
ke turc ont. saichies chil sont trop honj ki iuront. sil nont pouerte ou
viellece ou malaige. (et) cil ki sain (et) ione (et) riche sont. ne poeuent pas
demorer sans hontaige. **Tous** li clergies (et) li home deaige. qui ens aus
mogne (et) ens biens fais morront. partiront tot adest pelerinaige. (et) les
dames ki chastement viuront. (et) seles font par mal conseil folaige. as lasq(ue)s
gens (et) mauuais le feront. car tot li boin iront en cest voiaige. **Kichj**

image not found

https://letteratura.europa.let.uniroma1.it/?q=sites/default/files/styles/661/public/Chansons_fran%C3%A7aises_avec_musique_not%C3%A9_%5B...%5D

ne velt auoir vie anujeuse. si voist por dieu morir lies (et) ioieus. ke cele
mors est douce (et) sauereuse. dont on conquiert le resne presieus. ne ia de
mort nen imorra .i. sels. ains naisteront en vie glorieuse. ki reuenra m(ou)ltr
sera enieus. atos iors mais en iert honors sespeuse; **Diex** tant auons este

[c. 100 v.]

image not found

https://letteratura.europa.let.uniroma1.it/?q=sites/default/files/styles/661/public/Chansons_fran%C3%A7aises_avec_musique_not%C3%A9_%5B...%5D

prex par huiseuse. or verra on ki acertes iert prex sirons vengier la honte do
lereuse dont chascuns doit estre iries (et) hontex. car a no tans est perdu li sai(n)s
lieus. ou diex soffrj por nos mort glorieuse. sor ilaissons nos anemjs mortex
atos iors mais iert no vie honteuse

- letto 290 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteratura.europa.let.uniroma1.it/?q=laboratorio/edizione-diplomatica-2409>